

kisisi ka uslapɪ na skabebere

iké sessa na kisisi sakura tédra ku skabeberadra. lapakdridrimɪ, kuwa
silpe ku nusakrabeberaliliya. makasi, ina skabebere ka ikanmidra kidriliya ki
kisisi.

iké sessa na viene, kugia mwa rgirgi silpedria ku ikédria sirigirigu na
talupu kububuruliya. lakububuru ku kisisi “ musu ka talupu, ina skabebere
ka ikatékadra kidri? ” labiri ku talupu “ ina skabebere ka amwa miti
ngikemani silpe. ”

kisisi ka susikérodrunga iké rgirgi ngupaingungulu silpe. gia ngirgiri,
ngorenana, msévagare angtu cngle, msévadringi drikerle cngle, ptapidringi
silpe tporongu adringi ku makacikicikilinga.

makasi kisisi ka mdévlinga tigiadra silpe, tédra icngle na skabebere. ku
kisisi tumanidria mukuethe kdridrimekra ikerabrabre. pakicimonga biciringi
na ungingeci siliké porongu, lagia avétha cngle ka liké asesane na cucuku
iké déda, tarcacaga talevagari kukudra, ngingieci pusoprakwamia.

kisisi ka laribungu mwa pusopradria ku cucuku mra bersi, cucuku ka
mabebere takdringésuniadia ku kisisi, kdridrimidra ku kisisi ka sakura na

mabebere, si supungurucinga angingiri.

kisisi ka lagia avétha tulucubunga devedevace, cngle ku tikitikici na
angatu ubsibsidria tulucicigi, lara ku kisisi dengre pincigi pititeke ku ado,
nisadranga itilucicigimiya. ku titikici na makangatunga, takdringésuliyadia
ku kisisi. kisisi ka sulikédria sukura mrabrabri.

knénga ka, ku kisisi langirigunga ika amani na pusopréta ico ka uduru
ngikmani mra ku matikadringé na skabebere.

(文章大意 僅供參考) ※字數限 200 字

山羊找快樂

有一隻非常不快樂的山羊，想要尋找快樂，有天，山羊去找最有智慧的貓頭鷹博士。博士：「快樂要自己去尋找。」山羊四處尋找，但沒找到。山羊悶悶不樂，突然聽到呼叫聲，原來是烏龜翻不過身、求救。山羊幫忙烏龜翻過身來，烏龜謝謝山羊，山羊忍不住地微笑起來。山羊繼續往前走，小樹被風吹歪了，立刻將小樹扶直，還把土踩結實，讓小樹不再歪斜，小樹謝謝山羊，這時候山羊終於明白，幫助別人就能讓得到真正的快樂！